

Poldi Timotidok pepa mindan youliminguk Yodakale Mede

Pepa yonj adi Poldi Timoti netok mindan youliminguk. Pepa yendok maanenj adi Poldi Timoti ne nindokoon, niŋkilitiŋa tubulodaune adi titiŋ momoonj tiŋa nadisukiliti ginenj fafaŋenj yali Kilisto Jesu'walaŋ Mede Momoonj yohautadok yonj youliminguk. Tiŋa undugonj mede kahat hogohi meeniŋ nadisukilitihik tubukadakainj undihidok magi kametnadi mu tuluwaak yonj nihep tuguk. Adi toboniŋ Pol ne titiŋ momohi dedinj tuguk unjakoŋ Timotidibo takaliŋa titindok yonj youliminguk. Titiŋ momohi wonjadi indinj. Nadisukiliti ginenj fafaŋenj yayat, welekulema ginenj hatihati, meeniŋ noli yabukahile-kahile enj malabumunj beembeem.

Yokahanj

¹ Nu Pol, nu Kilisto Jesu'walaŋ aposel. Bepan ne'walaŋ nadinadide aposel mintaanj, metam Kilisto Jesu nadisukilitimiŋa hatihati kahiledok yofolok tuguk u yenihautadok nehitubudakaleen naninjkukuk.

² Timoti, du mihine hinek, nu welenedi gabukahile tilat doktiŋa pepa i youkamulat. Ban Bepan tiŋa Wapumnik Kilisto Jesu adi'walaŋ silonj tobogonj, enj nadikulema, enj kulemadi du'walaŋkade haliwoonj hatuwaak.

Timoti nadisukilitiņiņ fafaņewekdok niņkilitiguk

³ Batne papaneye adi welehik walihi hatiņila Bepaņ'walaņ kwanai tigiņ. Kaņ nu maan titiņ undiņiņgoņ tiņa yomnit mokit hatiņila Bepaņ'walaņ kwanai tilatdi niutumbaaņ helemahelemaņ haniņ be tebele ninadi tilat indigoņ tuwot du maan nadisugamulat.

⁴ Nutok tiņa bulaniņgoņ nadiņa dautilitilik tuguņ wendoktiņa nu kotigoņ buņa gabudok hinek nadilat. Unduņ tiņa kedem nadifo hinek tibaat.

⁵ Tiņa nadisukiliti folooņ hakamulak wendok maan nadisulat, nadisukiliti woņ adi mamage Lois tiņa maņge Yunis'walaņ hakukdi du'walaņkade meņeņa buguk hatak u agaņ nadilat.

⁶ Kaņ nu wendegoņ nadisugamuņa ganiņkaikalat. Nu kohone kige foloņ kamewene Bepaņdi kahaņņiņ siloņ tigamguk u tubukokomeune kudup wele daņewek.

⁷ Du agaņ nadilaņ, Bepaņdi Munabuli niņguk u munabuli munta diniņ moņ. Munabuli woņ adi saņiniņ nimdok eņ nihitubu-lodaune me noli welenikdi yabukahilekahiledok eņ nihitubu-lodaune hatihatiniņ momooņgoņ hinek kadokodok wendok niņguk.

Fafaņe tiņa Bepaņ'walaņ Mede Momooņ kamehatidok

⁸ Unduņ doktiņa du Wapumnik'walaņ medeņiņ yohautadok meka adi mu tuluwaaņ. Tiņa undugoņ nu yot fafaņeniņ gineņ hatat wondoktiņa meka mu tibaaņ. Nu adi Wapumdok tiņa yot fafaņeniņneņ hatat. Ale du Bepaņ'walaņ saņiniņ

beņa, nukut Mede Momoon yoyo kwanaidok mal-abumun hekiyademeet.

⁹ Bepaņdi agaņ kotigoņ ninigikuk, tiņa ne'walaņ metamņiye ungoņiņ hatidok yoņa kutininiņguk. Adi inde nemek titiņ momoon niņ tugumun doktiņa mu kutininiņguk. Mokoņ. Koomkwaha hinek, Bepaņdi nemek nemu yehitubu-mintaņila ne'walaņ nadinadiņiņde kutininiņguk. Ala siloņ tobogoņ Kilisto Jesu'walaņ hatak u nimiņa netok metamņiye hinek nibukahileguk.

¹⁰ Kaņ foloņ adi nai kobuk i Tubulodanik Kilisto Jesu foune unoņiņ mintadakaleguk. Kilisto Jesudi kumuņ diniņ saņiņiņ tubudapmahinakaņ, Mede Momooniņiņ gineņ hatihati dapmandapmanņit mokit u tubuhautaune metam feedi kadakalegiņ.

¹¹ Kaņ nu wendok Mede Momoon yoyo titiņdok eņ aposelņiņ hatiņa yenindidime kwanai tibit yoņa nehitubu-dakaleeņ naniņkukuk.

¹² Unduņ doktiņa nu malabumun u hekilat. Ingoņ oņ, nu wendoktiņa meka mu tilat. Mokoņ. Nu me nadisukilitimilat u agaņ nadimilat. Tiņa undugoņ kwanai kohone foloņ kameguk u ne kedem kaulidokowaak, kaņ wendi helemahelamaņ momoon hali ulune Kilisto'walaņ nai wapum u mintawaak.

¹³ Mede momohi dibek ganiņgut u momoongoņ hinek nadiņa, tali wendok tuwolit hinek yehikeleeņ mede yohautaaņ metam yeniyehitubu-didimewaaņ, woņ adi Kilisto Jesu nadisukilitimiņa welesiloņ timiņa unduņ tibaaņ.

¹⁴ Bepañdi Mede Moomon u kadokowen yonã kohoge folon kameguk, wonj adi nemek momoon hinek, ale momoonjon hinek kadokoluwaan. Kan Unjonin Munabuli welenik maanej hatilak adi kwanai u kedem gehitubu-lodawaak.

Poldi Onesifolasdok welemomoon nadiguk

¹⁵ Esiya kwetneñ me hogohogok agañ binabugin u agañ nadigun, enj Fisela tinã Hemoseni adi maan agañ binabugumuk.

¹⁶ Nu Wapumdi Onesifolas tinã wapmihinjin-tam welekulema tubumintayembek yonã ninadilat. Nai fee hinek Onesifolas adi welenadifo tubumintanamuluguk. Enj yot fafañenineñ halene wendok meka mu tuluguk. Mokonj.

¹⁷ Adi Loma inon busuwaan nehitubumintadok fafañe kwanai hinek tuguk, titauyen kougon nehitubu-mintaguk.

¹⁸ Wapum ne nadiune yodapmandapman nai wapum folon Wapum'walañkade welekulema tubumintawaak. Tinã undugon, Onesifolas adi Efeso unon nehitubu-lodadok kwanai fee hinek tuguk u da-ku agañ nadilañ.

2

Wapum'walañ mikme momoon hatidok

¹ O mihine, Timoti, du helemahelaman Kilisto Jesu'walañ silon tobogon u kahileune wendi gehitubu-fafañeluwaak.

² Kan mede hogohogok metam namandahik folon yohautawene nadigun u yadi metam mede yonã undugon hinek kelein enj Bepañ'walañ mede boifafañen hatiin undihidok yenimbune

adibo metam noli maan kedem yenindidimeyaneen.

³ Du adi Kilisto Jesu'walañ mikmeñij momoon hinek hatiña me noli malabumuñ hekiyam indut kwanai wendoktiña malabumuñ hekiluwaan.

⁴ Du mikme heki'walañ titiñhik agañ nadi-lañ. Adi mikme diniñ kwanai tiñila nehitok dinina kwanai be kwanai noli maan mu moñgola kwanaineiñ. Mokoñ. Adi yadi me wapumhikdi kwanaihik u kanadiune utumba titiñdok nadiña mikme kwanai hogok momoon tiñ.

⁵ Kañ me kiyane tiñ adi yadi kiyane titiñ diniñ yodoko u takaliñ, eñ u mu takaliña adi fek gineñ wosuwaan nemek foloon moñgokiñ u tuwot mu moñgotnetiñit.

⁶ Me diniyeti kwanai fafañe tiña tiñ heki adi nanañe foloon koom mintalak u nehi naune tuwot tibek.

⁷ Nu mede i ganilat yendok nadinadi kwanai tibeñ, kañ Wapumdi nadinadige tubutombek kañ mede hogohogok yendiniñ mebi u kedem nadi-dakaleweñ.

Gweheye mu titiñdok

⁸ Du adi helemahelamañ Jesu Kilistodok nadim-iluwaan. Adi yadi Dewit'walañ yalakiñiñdi kumuñ gineniñ kaikaan pilakuk. Nu Mede Momoon unduñ unakon yohautalat.

⁹ Kañ metamdi wendogon tiña nabiñ kañ nu me hogoli unduñ tilat, unduñ doktiña malabumuñ mebimebi namuña yot fafañeniñ gineñ nap-meñ. Ingon Bepañ'walañ medeñiñ adi tuwot mu folokeneñ youkilitibune halek.

¹⁰ Wendoktiŋa nu fafaŋeŋ welene tubukilitiŋa malabumuŋ hogohogok u hekilat. Unduŋ tiŋa Bepaŋdi metam netok yabukahileguk u yehitubulodalat. Kaŋ adi maanŋ hatihati Jesu Kilisto'walaŋ hatak u kahileenŋ hauta holiholinenit ginenŋ unonŋ dapmandapmanŋnit mokit hatineenŋ.

¹¹ Mede indinŋ hatak u biyagoŋ hinek:

“Indi biyagoŋ hinek adut kumuŋgumun kaŋ undugoŋ biyagoŋ hinek adut kaipmuŋ hatineem.

¹² “Indi malabumuŋ hogohogok u nadikabeleenŋ gigne tiŋa adut fafaŋeŋ hatineem adi Jesudut mapme kwanai nonŋonŋ tineem.

“Eŋ indi adi sigilulum timine nibuŋa adi maanŋ sigilulum tinimbaak.

¹³ “Indi adi takalidok yofolok tiŋa medenik u mu tagimneenŋ tineem, inŋonŋ adi yadi medeŋinŋ yoguk u tagimnelak.

“Adi ne'ninŋ medeŋinŋ u tubutakaleenŋ undubo yoonŋ undubo yoonŋ mu tilak.”

Bepaŋ'walaŋ mede didimeŋgoŋ yohautaluwaanŋ

¹⁴ Du helemahelamaŋ metam mede i nadinadihik ginenŋ kotigoŋ tubukaikayemuluwaanŋ. Tiŋa nemek kuyahi fili wendok tosiwe mu titinŋdok mede fafaŋeŋgoŋ Bepaŋ dawineŋ yeniluwaanŋ. U nemek foloonŋnit mokit, doktiŋa metam nediyeŋ mede u nadiinŋ adi yadi yehitubu-kadaka tilak.

¹⁵ Du yadi kwanai-me foloonŋ hinek mintadok kwanai fafaŋe tiŋa tuluwaanŋ. Unduŋ tubune Bepaŋdi kwanaige u kaŋ nadiune utumba tuluwaak. Kaŋ du Bepaŋ'walaŋ medeŋinŋ biyagoŋ

en foloon hinek u didimengon yohautaluwaan, undun tiña adi dawi folon meka mu tibaan.

¹⁶ Mede fifit Bepañ'walañ nadinadiññdi mu takalilak, mede fiili undihi adi sigilulum tiyem-dok. Mede undihidi metam gagineen yahañeune kadakanin fulingon tiña Bepañ sigilulum timin-dok tali gineñ wiin.

¹⁷ Mede undihi adi wede daungimiñdi metam yehitubu-kadaka tiin wendok tuwolit, adi wapum hinek mintawetik. Me mede undihi yoyo tamuk meyat lufom, Haimeniya tiña Failita.

¹⁸ Adi indin yonila mede biyagon en foloon hinek dinin tali bikabamuk, “Indi kumun ginenin kotigon kaikaan pilapilat u agañ pilakumun.” Mede wendi metam noli nadisukilitihik tubukadakalak.

¹⁹ Ingon Bepañdi taka kobumun wenedahiguk u fafañenin yatak, kan wendok folon mede youkudip indin hatak: “Wapum adi ne'niñ metamjiye u agañ yabunadihinakayemilak.” Tiña youkudip noli mañgon indin hatak: “Metam hogohogok Wapum wou kamehatiin adi yadi titin kadakahi u sigilulum tiyemaneen.”

Welenik walañingon hatiña Bepañ'walañ kwanai kedem taneem

²⁰ Yot wapum nin gineñ malin ikiin u gol tiña silwadi tutumbagin hogokdi mu ikiin. Mokon.* Bemdi be kwetdi tutumbagin u mañ ikiin. Ala noli nai ungonin dokongon mintalakneñ beña

* **2:20:** Malin yolak won adi malindok hogok mu yolak. Nemek noli, kabot, ime utnan, ime kabot heki wondok yolak.

kwanainedok en noli adi kwanai fifit noli mintalak undinen beŋa kwanainedok.

²¹ Unduŋ doktiŋa nediyenŋi hatihatiniŋ ginen titiŋ kadakahi tumolokudapmaan Bepaŋ dawinen uŋgoniŋ mintawaak, adi yadi malin uŋgoniŋ kwanai dokonŋon tiin wondok tuwolit mintawaak. Tiŋa Bepaŋ walaŋ mehinek mintaŋ Wapumniŋ tubulodawaak. Unduŋ tiŋa kwanaimebimebi momohi u titinŋdok woom tuluwaak.

Sadaŋ walaŋ tikamanda yabudakaleeŋ yalakapmedok

²² Unduŋ doktiŋa du helemahelamaŋ metam kuya walaŋ welehi ginen nadigalika kadakahi hogohogok mintalak undihi u sigilulum tubudapmaluwaan. Unduŋ tiŋa du adi titiŋ didimeniŋ en Bepaŋ nadisukilitimindok titiŋ en me noli yabukahilekahile diniŋ titiŋ en welekulema diniŋ titiŋ undihi adi kedem yabukahileluwaan. Da tiŋa me noli nediyen Bepaŋ namanda folon uŋgoniŋ hinek hatinila Wapum wou ginen wotubudulaŋ mulelem timiŋa ninadi tiin, hidi hogohogok wanakaŋdi titiŋ u taneen.

²³ Tiŋa unduŋon, du adi me nadinadihi hogohi heki walaŋ mede kaulehi nadidakalenit mokit, undihidok magi kametnadi adi mu tuluwaan. Mede undihidi tosiwe en tokwihita tubumintan, u da-ku agaŋ nadilaŋ.

²⁴ Tiŋa Wapum walaŋ kwanai-me adi mede tosiwe be tokwihita mu titinŋdok. Mokon. Adi yadi metam hogohogok titiŋ kulemaŋon tiyemdok. En me niŋdi foko timimbune kaŋ adi toboniŋ welekulema timiluwaak. Unduŋ tiŋa metam

hogohogok Bepañ'walañ talik didimeniñ yenin-didimeluwaak.

²⁵ Adi yadi me mede wobu tiñ heki'walañ nadinadihik u baigoñ kwanaineñ tubu-didimeluwaak. Unduñ nobu tubune Bepañdi yehitubu-lodaune welehiñ tubutakaleñ mede foloñ, biyagoñ hinek wendok nadinadi kwanai kedem binek tineñ.

²⁶ Sadañ'walañ medeñiñ takalidok yoña agoñ begepñiñdi yohoneguk. Ingoñ oñ, adi mede biyagoñ eñ foloñ hinek u nadiune nadinadihik kotigoñ dakaleune Sadañ'walañ begeh u kwihiliwenekula kedem hatineñ.

3

Nai wapum dulaune metam feedi titiñ kadakahi kisañ tineñ

¹ Du adi indiñ nadiweñ: nai dapmawene tulune kadakaninñdi fee hinek mintaan ulihakawaak.

² Eñ metamdi nehitok nadinadi hogok hatineñ, tiña muneñnit hogok hatidok nadinadihik wapum halaak, eñ nehi wohik yotiloñ foko tineñ, eñ tokwihita tiña me nolidok medehaki yenineñ. Eñ mehim-behiye'walañ mede wobu tiyemneñ, eñ metam titiñ momohi tiyemneñ hekidok yenitutumba tuwot mu tineñ. Eñ Bepañ'walañ titiñ hogohogok u sigilulum tineñ.

³ Tiña undugoñ me nolidut menot titiñdok mu nadineñ, eñ adi kwihita tubune yeninñkulemadok talik nemu mintawaak. Adi yadi me noli yenimpekit tineñ. Tiña undugoñ foloohik diniñ nadigalika mu kadokoneñ, unduñ tiña mik tiña

metam hogok yehitubu-kadakafit tiyauneen. En titin didimehi hogohogok u mik tiyemneen.

⁴Adi yadi me noli nehi'walahi u yenin kamanda tina kadakanin tiyemneen, undun tina pilap hinek nehi'wala nadinadihik hogohi nadidakalehinit mokit u yehikeleneen. Tina nehitok nadiune nehi adi me wapuhi hinek tibaak. Undun tina titin mebimebi nadifonit kwetfolon inon hatak wendok nadigalika tina Bepan kahile mu tineen.

⁵Tina adi yadi Bepan'wala titin u sigihikdi hogok tineen, ingon Bepan'wala titin foloon hinek saninin wapumnit hatak u yadi nemu kabe nadineen. Du adi me undihi biyabuwa kwatnangon hatiluwaan.

⁶Mewoi undihi adi tamwoi nadinadihik gweheyehi'wala yohiney kabukabup yofofon tiyawoon nehitok nadiyembune utumba titindok yeningatagataye tiin. Tamwoi won adi kadakanin hik doktina nadimalabuda tiin. Kan welehikdi pilali titin wou wou mebininit mokit u titindok yehimanelak.

⁷Tamwoi won adi nadinadi foloon nadidakaledok nadinalehelema nadinadi kwanai tiin, ingon Bepan'wala mede biyagon en foloon hinek uyadi tuwot mu nadiin.

⁸Koom Yanis dut Yambilis adi Moses mik timingumuk.* Undugon hinek me titin undihi tiin adi yadi mede biyagon en foloon hinekdok mik timiin. Tina nadinadihik giyondadapmaune Bepan nadisukiliti hinek mu timiin.

* **3:8:** Adi'wala kahat u Kisim Bek 7:11, 22 giney kunatnadidok.

⁹ Ingonj titinjik yendi wapum hinek mu mintawaak. Mokonj. Metam hogohogokdi titinjik kaulehi u aganj yabukiyondaneenj. Koom Yanis gut Yambilis'walañ maanj undugonj mintaguk.

Metam hogohogok nadisukiliti tiinj adi malabumunj hekineenj

¹⁰ Ingonj du adi nukut hatiña titiñne Bepañdi titiñ dedinj titiñdok nadilak u metam yeniyehitubu-didimegut u aganj nadiña kelelañ. Eñ yauyaune dininj mebi maanj aganj nadilañ, eñ titiñne dininj mebi hogohogok wanakañ hinek nadihinakalañ. Nu Bepañ nadisukiliti hinek timilat, eñ helemahelamañ welene tubufafañeñ kwanai tilat, eñ me noli yabukahileenj fafañe tiña hatiña malabumunj beemulat u du aganj nadilañ.

¹¹ Metamdi titiñ kadakahi hogohogok tinamginj be malabumunj hogohogok Antiyok, Aikoniam eñ Listala unonj hekigut u du aganj nadilañ. Du nemek hogohi hinek yokwet wapuhinenj unonj tinamginj u aganj nadilañ. Ingonj Wapumdi malabuhi hogohogok wendininj maanenj nehitubulodaune kedem hakut.

¹² Biyagonj hinek, metam hogohogok nediyenj Kilisto Jesudut woonj galiña Bepañ'walañ titiñ takaliin, adi yadi metamdi malabumunj yemiin.

¹³ Kañ me kadakahi eñ yalañ-me hekidi metam tikamanda tiyemneenj. Kañ Sadañdi nehinile tikamanda tiyembune titinjikdi kadakahinakawaak.

Poldi Timoti ninjkilitiguk

¹⁴ Ingonj du adi mede dibek nadigunj u nadiña nadisukiliti fafañelañ unakonj honefafañewaanj.

Metam nediyeŋdi mede u ganiŋgehitubu-didimegumun u da-ku agan nadinimhinakalaŋ.

¹⁵ Tiŋa undugoŋ, du koom kuyaniŋ ginengoŋ dungoŋ hatiŋila Bepaŋ'walaŋ Youkudip Mede kunatnaditabulaŋ. Youkudip Mede wendi Bepaŋ'walaŋ nadinadi fuliŋgoŋ gambune du Kilisto Jesu nadisukilitimimbune Bepaŋdi kotigoŋ ganagilaak.

¹⁶ Bepaŋ'walaŋ Munabuli negoŋ mede hogohogok Bepaŋ'walaŋ Youkudip Mede gineŋ hadapmaŋ u yotubumintaguk. Kaŋ mede woŋ adi mede biyagoŋ eŋ folooŋ hinek u nininihitubu-didimedok mede fofoŋ, eŋ metam nadinadihik didimehi moŋ u yehitubu-didimedok, eŋ hatihatinik tubudidimedok, eŋ Bepaŋ namanda foloŋ titiŋ didimehi u nininihitubu-didimedok.

¹⁷ Wendoktiŋa mede yendi Bepaŋ'walaŋ memetam nihitubu-lodaune titiŋ momohi hogohogok u behinakayam, tiŋa undugoŋ nihitubu-lodaune kwanai hogohogok momohi u titiŋdok tiulidoko tiŋila hatiyam.

4

Didimeningoŋ hatiŋa Bepaŋ'walaŋ mede yohautadok

¹ Kilisto Jesu adi hatigene Mapme Wapum saŋiniŋnit busuwaan kaipmuŋ hatiyam be agan kumuŋgiŋ indi'walaŋ mede yodapmandapmaŋ kwanai tibaak, nu adi'walaŋ namanda foloŋ be Bepaŋ'walaŋ namanda foloŋ indin ganiŋfafaŋewene nadiweŋ:

² Du adi Adi'walaŋ medeŋiŋ u fafaŋe tiŋa yohautaluwaan. Metamdi mede nadidok tiulidoko taneenbe, be mu taneen, inŋon fiit du adi helemahelman fafaŋe kwanai tiŋa Kilisto'walaŋ medeŋiŋ yohautaluwaan. Du weleyouyout tiyemiŋa yehitubu-kaikaune wele tubutakale tiŋa Bepaŋ'walaŋ titiŋiŋ takalidok adi mede saŋiniŋnit hinek yeniluwaan. Unduŋ tiŋa helemahelman kulemaŋon tiyemiŋa Bepaŋdi titiŋ dediŋ titiŋdok nadilak u momooŋon hinek yeniyehitubu-didimeluwaan.

³ Hatigene nai niŋ mintawaakneŋ metamdi mede didimehi u nadidok moŋ nadineen. Adi toboniŋ mede fifit noli nadidok gigne tiŋa magi kametnadi tineen. Unduŋ tiŋa metam fee yeniyehimaneune buŋa mede adi nadidok gigne tiŋa unŋak yenimbune nadineen.

⁴ Unduŋ tubune adi mede biyagon, foloon hinek u sigilulum timiŋa kahat fifit foloonhinit mokit wendok magi kametnadi tineen.

⁵ Inŋon da adi helemahelman nadidakalenit hatiluwaan. Hatiŋila malabumuŋ eŋ folofigita hekiluwaan. Tiŋa unduŋon du Jesu'walaŋ Mede Momooŋ saŋiniŋnit yoŋa weleyouyout tiyembune welehiŋ tubutakaleyaneen.*

Pol kumundok naiŋiŋ dulaguk

⁶ Nu nai muniniŋ kumumbene naŋgatnedi wain ime Bepaŋdok dumuŋ kwatnemiŋ unduŋ kwatnedok agaŋ nai tilak.

* **4:5:** Kwanai woŋ adi ewengelis kwanai.

⁷ Nu hatihatidok kwanai ginenj unonj kiyane momoonj hinek fafañej kiyanejut. Ala ya agañ fek ginenj busuwalat, enj nadisukilitine Bepañ'walañkade maanj fafañenjonj hinek hone-fafañejut.

⁸ Kañ yonj adi agañ metam kiyaneenj fek ginenj wosuwaanj tuwanjñ beinj u agañ woomnamulak. Tuwanjñ u ye indinj, Wapumdi me didimeninj nanimbaak. Wapum adi titinj didimeninj takaliña memetam'walañ titinjñik kameka tilak, ala nai wapum mede nadinadininj nai folonj tuwanjñ u nambaak. U yadi nu hogok mu nambaak. Mokonj. Metam hogohogok nediyenji Wapum Jesu miñgonj mintadakaleune kakanjok nadigalika tiña woom-hatiinj aditok maanjgonj yembaak.

Poldi Timoti pilap buña kakanjok ninguk

⁹ Du debedebeke tiña pilap hinek buña nabaanj.

¹⁰ Dima adi nemenemek kwetfolonj hatak yendok nadigalika tiña binabuña Tesalonaika yokwet wapumnenj uguk. Enj Kelesen adiyen Gale-siyade uguk, kañ Taitus adi Dalimatiya kwetnenj uguk.

¹¹ Kañ Luk kubugonji hogok nukut hakamut. Undunj doktiña Mak nagilune dukut nonjonj budemeek. Kañ adi nehitubu-lodaanj kwanai injonj kedem tidemeet.

¹² Enj Tikikus adi agañ kamewene Efesode uguk.

¹³ Ala bene kañ dahidahine wahininj kweheyeninj Tolowa yokwet wapumnenj me Kapas yolininj itak u maanj tiña baan, enj pepa bilihethinit† maanj mongolaanj. Tiyaugene pepa bili-

† **4:13:** Pepa bilibetnit adi indihidok yoinj.

bethinit kale gitnemdi tutumbagin u biyabuņa baanņeņ alaka, naditomunja u maan monğola baan.

¹⁴ Me Alesanda adi aindi nemenemek tumbatutumba tilak, adi kadakanin fee hinek tinamguk, wendoktiņa hatigene Wapumdibo titin wondinin kibikon tuwolit hinek kougon tubu-udanemimbaak.

¹⁵ Medenikdok adi mik hinek timinguk, undunę ala kanadinjila hatibaan.

¹⁶ Timentimenę hinek mede ginę yali mede tubu-udanegut, nai unjanin nebek ninđi medene u kasop nemu tiņa yoguk. Mokon. Metam hogohogok adi binabudapman tigin. Nu Bepanđi yomhik u biyembek yonja ninadilat.

¹⁷ Ingon Bepanne sigiyakadi tinamuņa saninin namguk. Undun doktiņa nu Mede Mmoon u yohinakaan yogut. Kan Bepan'walaņ metam hinek mu hatigin adi maan wanakan hinek nadigin. Undun tiņa Bepanđi kale laion manin ginenin kotigon nanagikuk.

¹⁸ Wendok tuwot Wapum ne kadakanin hogohogok tinamne tiin ginenin kotigon nanagilaak. Undun tiņa nehitubu-lodaune kedem halene nanagilune woon hatihati kobuli heben ginę hatakneņ unon napmewaak wendoktiņa wou indin nintilolat: Adi'walaņkade hauta filimpipitnit u dapmandapmanit mokit haliwoon halaak. U biyagon.

¹⁹ Nu Piliska tiņa Akwila eņ Onesifolas'walaņ yolineņ metambop itowiin aditok youtumbane mede kameyemilat, u maan yenimbune nadi-neņ.

²⁰ Elasto adi Kolin yokwet wapumneŋ ungoŋ hatilak. Kaŋ Tolofimo adi yagit tuguk kaŋ Mailitas yokwet wapumneŋ ungoŋ bikabuŋa bugut.

²¹ Tiyaugē hatilune fiŋgobut gut sububa nai tibaakneŋ ala, debedebek tiŋa pilap hinek baan. Yubilas eŋ Pudens eŋ Lainas tiŋa Kalaudiya tiŋa undugoŋ kayoŋbop nokeye adi wanakaŋ hogo-hogokdi youtumba mede i kamegamiin.

²² Wapumdi munabulige dut hatiluwaak. Eŋ siloŋ tobogoŋŋinŋi hidigut halek.

**Bepan'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

217908e9-ce08-5ac3-9947-124c48579a74